



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : FANLING PUBLIC SCHOOL
學校名稱 : 粉嶺公立學校
Name of Play 劇名 : 精英法
Script writer 劇作者 : 梁國雄主任、林曉盈老師、楊羨婷教學助理

Synopsis 故事大綱：

香城政府正草擬推行《精英法》，以解決地少人多，資源競爭漸進激烈的根本性問題，而社會各界就《精英法》的推行及相關附加文案有不同的聲音。「持份者」眾關係複雜互相牽制互相影響，孩子作為當事人，偏偏話語權最少。他們就像不同種類的動物，有大象、獅子、長頸鹿、烏龜甚至魚，各有所長。但教育制度，只教他們爬樹，不懂爬樹就是沒有用處，令他們標籤自己是社會的負資產、廢青，最後一蹶不振。。天生我才必有用，讓我們起欣賞每個人的獨特性。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(電視新聞節目)

主持 1: 香城政府正草擬推行《精英法》，以解決地少人多，資源競爭漸進激烈的根本性問題，而社會各界就《精英法》的推行及相關附加文案有不同的聲音。

杰仔: 媽咪，點解等咁耐嘅？仲要等多幾耐啊？(開始不耐煩)

媽咪(Alice): 杰仔你望吓牆上面個鐘，當分針指到 12 嘅時候就差唔多到我哋㗎啦。不如你望吓牆上面嘅獎狀同證書？上面有好多好難嘅字，唔知杰仔識唔識讀呢？

杰仔: University of Cambridge... PHD... Awards... 1st Honor

媽咪(Alice): 杰仔真係叻喇！舅父努力咗好多年先至擺到牆上面咁多幅唔同嘅獎狀同證書㗎。

杰仔: 我都想要金光閃閃嘅證書，成為大醫生！咁而家夠鐘入去未呀？(再一次不耐煩)

媽咪(Alice): 只要係你想做嘅事情媽媽都會支持你，但係要做醫生既話要好有耐性㗎！睇吓杰仔可唔可以夠唔夠耐性先？

(醫生和護士入，護士拿着一大疊報告)

護士: 呢個係張生張太嘅，佢哋個胎嘅語文同數學能力僅僅合格...但係肢體同音樂智能好高㗎(惋惜地)...

醫生: 而家有三頭六臂，識琴棋書畫係搵唔到錢㗎。Next...

護士: 仲有陳生陳太，爸爸係港大做數學系教授個位呢，佢哋問點解個胎數理智能咁低，可唔可以再 check 多次？

醫生: 話畀佢哋聽呢啲嘢冇得保證遺傳，如果再 check 要再收多次錢。Next...

護士: 最後有個客打黎問 check 唔check 到個胎將來會生到幾高，佢哋想自己個仔入到NBA。

杰仔: 媽咪，乜嘢係 MMA 呀？

媽咪(Alice): 傻豬，唔係 MMA，係 NBA 職業籃球員啊。

醫生: 而家啲家長想像力太豐富，以為乜嘢都可以 check。Next...

護士: 呢位太太等咗你好耐喇...

醫生: 佢係我個妹。

(護士離開，餘下醫生和媽咪 Alice，杰仔)

醫生: 杰仔啲專注力藥要增強劑量呀？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

媽咪(Alice)： 唔係呀，杰仔有少少瞓得唔好同流鼻水，想搵你睇吓啫。係啫，唔知政府講嗰個《精英法》幾時投票呢？

醫生： (冷笑了一下) 咁你投贊成定反對呀？ 媽咪(Alice)：贊成！等你再賺多啲，滿意未？

媽咪(Alice)： 贊成！等你再賺多啲，滿意未？

醫生： 我應得啲啫！你知唔知我做咗家長明燈呀？有錢嘅個個走嚟，驗個胎有乜嘢智能、第時搵唔搵到錢，我仲以為自己轉行幫人睇相呀。(再冷笑了一下)

媽咪(Alice)： 咁多唔多人落「廢胎」？

醫生： 梗係多啦，「廢胎」要嚟做乜？

媽咪(Alice)： 與其想你賺多啲，我更想你毋忘讀醫既初心!

媽咪(Alice)： 如果個<<精英法>>通過咗...

醫生： 如果通過咗，我間診所肯定會做政府特邀診所，之後我們五年內，甚至三年內就可以住別墅。你唔好話我知，你會投反對...

媽咪 (Alice)： 我而家喺特殊學習需要學童支援小組工作...

醫生： 我問你而家係咪會投反對...

(護士入)

護士： 大新聞，精英法有新附件，如果驗到 BB 唔係精英就強制性要落左佢啫！

(媽咪 (Alice)大驚，本能地看著醫生。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場

(街頭訪問)

主持 2: 發展精英城市係香港嘅重要方向，實行《精英法》係社會發展嘅必然階段。不如我哋問吓市民有咩意見！

受訪者 A 通過《精英法》都係一件好事吸嚟，聽講湊特殊學習需要嘅小朋友好辛苦㗎，曳少少嘅

(已婚婦女)：我都已經搞唔掂。如果無得篩選，我真係唔敢生.....

受訪者 C 乜鬼嘢有特殊學習需要，我地個陣邊有呢啲嘢，有啲小朋友係弄皮啲㗎啦，我地咪又係

(老伯伯)：咁樣養大佢地。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三場

場景：學校會議室內，校長與行政老師一起開會

史主任： (拿著手機) 政府所草擬嘅法案當中，原來魔鬼在細節！

Principal 邊個官咁絕，估到有人驗到個胎唔係精英會唔忍心落，所以加落附件度！

Ma：

史主任： 如果呢條法案通過嘅話，真係源頭減廢——有特殊學習需要嘅學生，以及能力弱嘅學生會喺七年之內滅絕。到時學校可以減少補底同埋特殊支援嘅開支，集中用喺精英學生身上。

余老師： 如果《精英法》真係通過，呢個世界就會變質！能力較弱嘅學生，永遠得唔到公平嘅對待。況且規定人墮胎，確實違反人權呀！校長，你唔覺得有問題咩？

Principal 如果每個人都係尖子，咁每個人都會得到公平嘅對待。仲有，叫我 Principal Ma。

Ma：

余老師： 係，Principal Ma...

史主任： 點解有問題呀？其實你自己都知道，好多學生真係唔係讀書材料，一開始讀書佢地就要辛苦足十幾年，長痛不如短痛。其實咁樣先至係人道，你喺特殊教育方面咁有經驗，冇理由唔知㗎！

余老師： (手提電話突然響起) 係，下？需要見家長？我試下... (看著校長，面有難色) 校長，我有啲事，想...

Principal 係咪個仔又出事？最緊要唔係又有人俾佢打到受傷咋。

Ma：

史主任： 今個月都第3次啦喎，「精英法」通過就可以解決呢個問題啦。

Principal 你走先啦。

Ma：

余老師： 多謝校長。